



---

Arkivsak-dok. 20/00466-10  
Saksbehandler Sveinung Talberg

Saksgang Møtedato  
Kommunestyret 15.10.2020 77/20

---

## Saksframlegg

### Kontrollutvalet sitt forslag til plan for forvaltningsrevisjon 2020 - 2023 Aukra kommune

#### Kontrollutvalet si innstilling:

1. Kommunestyret godkjenner kontrollutvalet sitt forslag til Aukraa kommune sin plan for forvaltningsrevisjon for perioden 2020-2023, med følgende tema:
  - Barn og unge, herunder barnevern
  - Spesialundervisning
  - Verksemda i kommunen sine selskap
2. Kontrollutvalet gjennomfører ein avgrensa kontroll for å vurdere om det er behov for å gjennomføre forvaltningsrevisjon i nokre av kommunen sine selskap eller interkommunale samarbeid. Om kontrollen syner et slikt behov, kan kontrollutvalet velge å prioritere å gjennomføre forvaltningsrevisjon i slike selskap og samarbeid.
3. Kontrollutvalet får fullmakt til å prioritere rekkefølga mellom tema for forvaltningsrevisjon som er omtalt i plana.
4. Dersom det oppstår noko uforutsett i planperioden, kan kontrollutvalet prioritere andre områder for forvaltningsrevisjon enn det som framgår som tema jf. Pkt. 1.

#### Bakgrunn

Kontrollutvalet sine oppgaver ved forvaltningsrevisjon følgjer av kommunelova §§ 23-2, 23-3 og Forskrift om kontrollutval og revisjon §§ 4 og 5.

Kontrollutvalet skal rapportere og legge fram gjennomførte forvaltningsrevisjonsrapportar og resultatata av desse til kommunestyret, jf. forskrift om kontrollutval og revisjon § 4.

#### **§ 23-2. Kontrollutvalgets ansvar og myndighet**

*Kontrollutvalget skal påse at:*

*c) det utføres forvaltningsrevisjon av kommunens eller fylkeskommunens virksomhet, og av selskaper kommunen eller fylkeskommunen har eierinteresser i.*

### **§ 23-3. Forvaltningsrevisjon**

*Forvaltningsrevisjon innebærer å gjennomføre systematiske vurderinger av økonomi, produktivitet, regeletterlevelse, måloppnåelse og virkninger ut fra kommunestyrets eller fylkestingets vedtak.*

*Kontrollutvalget skal minst én gang i valgperioden, og senest innen utgangen av året etter at kommunestyret eller fylkestinget er konstituert, utarbeide en plan som viser på hvilke områder det skal gjennomføres forvaltningsrevisjoner. Planen skal baseres på en risiko- og vesentlighetsvurdering av kommunens eller fylkeskommunens virksomhet og virksomheten i kommunens eller fylkeskommunens selskaper. Hensikten med risiko- og vesentlighetsvurderingen er å finne ut hvor det er størst behov for forvaltningsrevisjon.*

*Planen skal vedtas av kommunestyret og fylkestinget selv. Kommunestyret og fylkestinget kan delegere til kontrollutvalget å gjøre endringer i planen.*

I kontrollutvalgs møte 18.11.2019, bestilte utvalet ein risiko- og vesentlegvurdering frå revisjonen av kommunen si verksemd og verksemda i kommunen sine selskap for å finne ut kvar det er størst behov for forvaltningsrevisjon.

Møre og Romsdal Revisjon SA leverte den 01.07.2020 rapporten «*Risiko- og vesentlighetsvurdering – Grunnlag for plan for forvaltningsrevisjon av kommunes virksomhet og virksomhet i kommunes selskaper 2020-2023 Aukra kommune*». Frist for levering var innan utgangen av juni 2020. Rapporten skal danne grunnlag for denne saka som skal munne ut i ei Plan for forvaltningsrevisjon for perioden 2020-2023. Plana skal endeleg vedtakast av kommunestyret innan utgangen av 2020, og skal danne grunnlag for bestilling av forvaltningsrevisjonar.

### **Vurdering**

Forvaltningsrevisjonsarbeidet er ein sentral del av kontroll- og tilsynsarbeidet i kommunal sektor og det er derfor viktig at kontrollutvalet bruker Plan for forvaltningsrevisjon som eit redskap for å utøve en mest mogleg målretta og effektiv kontroll og tilsynsfunksjon i kommunen, og i tråd med kommunestyret sine signal.

Risiko- og vesentlegvurderinga revisjonen har gjennomført er grunnlaget for at kontrollutvalet skal kunne prioritere mellom områder i kommunen der det er identifisert risiko for avvik. Kontrollutvalet må vidare vurdere kva for område som er mest vesentleg. Revisjonen har analysert risikofaktorar dei vurderer er vesentlege for at kommunen skal kunne nå sine målsettingar. Risikofaktorane er vurdert ut frå kor sannsynleg det er at dei vil inntreffe, og konsekvensen det vil ha om det skjer.

Revisjonen har tatt omsyn til dei tiltak kommunen har sett i verk for å sikre ein betryggande internkontroll.

Revisjonen skriv i sin rapport at basert på deira risiko- og vesentlegvurdering er tema innan følgjande områder vurdert å ha størst risiko:

- Barn og unge
- Spesialundervisning
- Brukermidvirkning i pleie og omsorg
- Offentlige anskaffelser
- Virksomheten i kommunens selskaper

Risiko- og vesentlegvurderinga bygger på tilgjengeleg informasjon om Aukra kommune. Prosjektet vart starta med eit møte med kommunedirektør. I møtet ga revisjonen informasjon om prosjektet. Vidare vart det avklart korleis dei tilsette i kommunen skulle involverast og korleis opplysningar om kommunen si verksemd skulle innhentast. Etter oppstartmøtet hadde revisjonen samtalar med nokre tilsette.

Kommunen sitt planverk, politiske vedtak, reglement, ROS-analyse, retningsliner og prosedyrer er sentrale dokument som er gjennomgått.

I juni 2020 gjennomførte revisjonen ei enkel spørjeundersøking overfor eit utval leiarar, mellomleiarar og politikarar. Dette har gitt informasjon om korleis dei ulike aktørane ser risikobildet frå sine ståstader, og om risikobileta stemmer overeins. Kontakt med tilsette har også gitt opplysningar om risikoreduserande tiltak som er iverksett, men som ikkje kjem fram i dei skriftlege kjeldene. Informasjon motteken i undersøkinga er nytta som grunnlag for dei vurderingane som vert teke i rapporten.

Revisjonen gjennomførte to dialogmøter med kontrollutvalet/kontrollutvalssekretariatet våren 2020. Utvalet ga innspel til aktuelle risikoområder.

Utvalet må vere merksam på at revisjonen i sitt arbeid ikkje har gått grundig inn i vurderingane ut frå dei ressursar som var avsett til arbeidet. Dei områda som peikar seg ut er derfor gjerne område som har en ibuande risiko, og som vil vere risikoområde i alle kommunar i større eller mindre grad.

Ut frå kontrollutvalssekretariatet si vurdering og konklusjon av Aukra kommune si risiko- og vesentleganalyse, er det følgjande område som peikar seg ut som aktuelle områder å gjennomføre forvaltningsrevisjon på:

- Barn og unge, herunder barnevern
- Spesialundervisning
- Verksemda i kommunen sine selskap

Dette er grunna ut frå følgjande tilhøve:

#### Barn og unge, herunder barnevern

Kommunen si handtering av bekymringsmeldingar om barn og unge, er ikkje tilfredsstillande. Tilsette frå barnevernet opplyste i kontrollutvalsmøtet 18.02.20 at det er ei auke i antal antall meldingar frå grunnskulane og barnehagane i Aukra kommune til barnevernet.

Representantar frå barnevernet uttalte at dette ikkje alltid er meldingar som kjem inn under kategorien saker som barnevernet skal handsame. Dette er bekymringsmeldingar som skulane og barnehagane ikkje har kapasitet til å handtere sjølve og dei saknar eit apparat som kan handtere desse sakene.

Aukra kommune har sidan 2011 hatt eit samarbeid med Molde kommune om barneverntenester. Kontrollutvalet vart i møtet 18.02.20 orientert om barnevernstenesta for Molde, Aukra og Vestnes i møtet frå einingsleiar. Eininga består av 5 leiarar, 28 fagstillingar, 7 utøvande, 2 mottak og 3 kontor/merkantil.

Barnevernlovas formålsparagraf § 1-1 seier at barnevernet skal sikre at barn og unge som lever under tilhøve som kan skade deira helse og utvikling, får nødvendig hjelp og omsorg til rett tid. Barnevernet skal bidra til at barn og unge får trygge oppvekstvilkår. Barnevernet driv med forebyggjande arbeid, eks. skoleteam, meldingar, mottak og vurderingar. Vidare undersøkingar, tiltak, omsorgsovertakingar og ettervern.

Einingsleiar fokuserte på kvar terskelen for å melde saker til barnevernet går. Kva kan barnevernet gjere for å gjere det førebyggjande arbeidet betre i einingane? Antal meldingar i heile den interkommunale

barnevernstenesta i 2019 fram til og med november var 364 nye meldingar. I tillegg kjem melding i aktive saker. Gjennomsnitt på 33 meldingar per mnd. totalt for heile tenesta. For Aukra er antal meldingar siste halvår 2019 på 21. Antal nye undersøkingar siste halvår 2019 var på 11. Fristbrudd undersøkingar siste halvår 2019 var på 1. Dette utgjer utgjør 7 %. Nasjonalt vert 66 % av undersøkingane henlagt. Ein ligg bra an på rapportering frå forrige halvår ifht fristbrudd, men ein ser no tendensar til fleire fristbrudd.

Einingsleiar var bekymra for kapasiteten i barnevernet og at alvorgraden i sakene som kjem til barnevernet blir større. Ein har faste møter kvar veke med politiet. I årsmeldinga til kommunen for 2019 står det at barnevernet samarbeider med helsestasjon, skulehelsetenesta, fastlege, NAV, PPT, skular og barnehagar. Barneverntenesta har eit godt samarbeid med desse partane i enkeltsaker og førebyggjande arbeid der skuleteam og tverrfaglege team er ein del av innsatsen. Det er eigen kommunekontakt i Aukra i det interkommunale samarbeidet. Det er engasjement og fokus på det førebyggjande arbeidet i kommunen, men det er rom for forbetringar. Barneverntenesta ønskjer å forplikte seg gjennom samarbeidsavtalen i det interkommunale samarbeidet for å delta i det førebyggjande arbeidet.

Aukra kommunestyre handsama i møte 03.09.2020, sak 55/20 ny avtale i det interkommunale barnevernsamarbeidet. I vedtaket er det åpna for at kommunedirektøren får sjå etter alternative løysingar for organisering av barneverntenestene i Aukra kommune. Dette er grunna i den økonomiske fordelingsmodellen, og ikkje i sjølve tenesteutføringa som Aukra kommune er nøgd med frå vertskommunen Molde.

Barnevernet har stort behov for kompetanse og kompetanseauke. Barnevernet har ikkje budsjett til å drive denne kompetanseauken og må søke eksterne løysingar hos Kristiansund kommune og økonomiske midlar hos Fylkesmannen for å få dette til. Ein har no tilsette i utdanningspermisjon og ein er i grenseland kapasitetsmessig.

Ei anna bekymring er det høge sjukefråveret. Det ligg på ca. 17 %. Med knappe ressursar føler nok sakshandsamarane eit stress på det ein ikkje får gjort og at dette resulterer i sjukemeldingar. Einingsleiar held fokuset på at dei tilsette skal vere tilstades i jobb. Ein er no i ein omstillingsfase organisasjonsmessig. Ein skal også på sikt overta nye oppgåver knytt til fosterheimsfunksjonen, der ein skal ivareta veiledarrolla og den førebyggjande verksemda.

Ei anna utfordring er at ein ikkje har ein lokal beredskapsheim i det interkommunale samarbeidet. Ein må ofte reise langt for å oppnå dette. Trenden ein ser no er at ein stor prosent av arbeidet går ifht, vald, overgrep og rus. Eksempelvis i november 2019 var det av dei 54 meldingane ein mottokk nytta 12 til vald og 20 relatert til rus.

Analysen av temaet barn og unge konkluderer med at kommunen si handtering av bekymringsmeldingar om barn og unge, ikkje er tilfredsstillande. Det er medium sannsynlegheit og medium konsekvens. Vesentlegheita er «gul».

### Spesialundervisning

Andel elevar som får spesialundervisning var høgare i Aukra kommune i 2019, enn i andre kommunar i Kostragruppe 16 og landet utan Oslo.

Årstimar til spesialundervisning per elev med spesialundervisning, har gått ned dei siste tre åra i Aukra kommune. Dei andre kommunane i Kostragruppe 16 og landet utan Oslo brukte fleire årstimar til spesialundervisning enn Aukra kommune i 2019.

Kontrollutvalet vart i møtet 18.02.20 orientert om tilstandsrapporten skole og barnehage 2018-2019 av pedagogisk rådgjevar. Opplæringslova § 13-10 er heimel for rapporteringa. Det vert rapportert på læringsresultat, miljø og fråfall. Det er eit pålegg om at desse områda skal følgjast opp med evt. tiltak.

Dette skal drøftast av skoleeigar, som er kommunestyret. I Aukra blir rapportane drøfta i kommunestyret. Etter lovheimelen er det berre på skuleområdet det er pålegg om rapportering, men Aukra har vald å inkludere barnehageområdet også. Dette har samanheng med tidleg innsats og overgang frå barnehage til skole. Det er like krav i barnehage og skole: Utvikling, læring progresjon, spesialpedagogisk hjelp og spesialundervisning. Det er dei same barna i ulik alder.

I Stortingsmelding 6, 2019-2020 er det krav om 43 % barnehagelærarar. På sikt er det krav til pedagogisk bemanning til minimum å vere 50%. Aukra kommune er det i dag ei dekning på 30 % barnehagelærarar.

Elevane vert møtt med lærar i 94% av alle undervisningstimar. Det er færre elevar per lærar i Aukraskolen enn fylket og landet. Det er fleire elevar per lærar i Aukra enn kommunegruppe 16.

Foreldre i barnehagen og elevar i skolen er nøgde med tilstanden. Nasjonale prøver (lesing og rekning) ga varierende resultat. Skriftleg eksamen 2018/2019 var under nasjonalt snitt. Grunnskolepoeng 2018/2019 var over/på nasjonalt snitt. For 5.trinnet er resultatene i nasjonale prøver i lesing og rekning under landssnittet, men over landssnittet i egelsk. For 8.trinnet er resultatene i nasjonale prøver under landssnittet. Det same gjeld for 9.trinnet. Overgang til vidaregåande skole syntte at alle 2018 elevar er i vidaregåande opplæring hausten 2019.

«Elevundersøkinga» er ei spørjeundersøking frå utdanningsdirektoratet med spørsmål som går på trivsel og læringsmiljø. Undersøking er retta mot 7. og 10.trinnet. Resultata er omtale i kommunen si årsmelding for 2019. Det var Gossen barne- og ungdomsskule som var med på undersøkinga i 2019. Elevane ved Julsundet skole var ikkje med. På dei fleste av dei 10 spørsmåla som vart stilt ser ein at snittpoenga i resultatene av svarene frå Aukra ligg bak resultatene i fylket og nasjonalt for begge trinna. Resultata viser elevane si subjektive oppfatning av eigen læringsituasjon.

Aukra har gode økonomiske rammer i barnehage og skole. utfordringar framover blir å sikre rekruttering av pedagogar og arbeide for å behalde dei ein har. Som oftast får ein dispensasjon frå utdanningskrava. Kvar år er det ufaglærte som tek etterutdanning og vert kvalifisert. Ein har lukkast med å få assistentar til å bli fagarbeidarar og behalde dei. Ein har også kompetansenettverk Romsdal som gjer at ein ta etter- og vidareutdanning lokalt.

Aukra er langt framme i satsinga og forbygging mot mobbing.

Når det gjeld spesialundervisning syner alle tal at nok timar er det einaste som nyttar. God spesialundervisning nyttar. Av 73 elevar som har spesialundervisning er det 38 elevar som mottek mellom 76-190 timar pr. år. Berre 12 elevar har mellom 1-75 timar pr. år.

Det vart spurt korleis ein kan måle utvikling over tid. Korleis ein kan følgje elevane. Tilstandsrapporten gjev ikkje svar på dette. Kanskje kjem det krav om å måle progresjon i ny opplæringslov. Ein god barnehage gjer ein forskjell når barn skal inn i skulen.

Analysen konkluderer med medium sannsynlighet og medium konsekvens på temaet at kvaliteten i grunnopplæringa er ikke tilfredsstillende og spesialundervisning. Vesentligheten er «gul».

#### Verksemda i kommunen sine selskap

Ut frå verdi i selskap og vurdering av de tenester som selskapa leverer til innbyggjarar og kommunen, har revisjonen valgt å vurdere følgjande selskap:

- **Romsdal Interkommunale Renovasjonselskap IKS (RIR)**
- **Molde og Romsdal Havn IKS**

Undersøkinga er gjort i samband med at kontrollutvalet i Hustadvika kommune fekk levert overordna analyse for risiko- og vesentlegvurdering, og er i tråd med ønskja frå kontrollutvala i dei to dialogmøta som er gjennomført. Frå rapporten til kontrollutvalet i Hustadvika kan ein hente følgjande informasjon:

**Romsdalshalvøya Interkommunale Renovasjonsselskap (RIR)** har ansvaret for hushaldningsrenovasjon i eigarkommunane Aukra, Hustadvika, Gjemnes, Molde og Rauma. Hovudkontoret ligg i Årødalen i Molde, der selskapet har eige deponi og avfallsmottak. Selskapet hadde 30 tilsette våren 2020. RIR er sertifisert etter standardane ISO 14001 og ISO 9001. RIR har to heileigde datterselskap. RIR næring AS som leverer avfallstenester til næringslivet, og RIR transport AS, som utfører innsamling av avfall på oppdrag frå morselskapet.

I 2011 vart det gjennomført selskapskontroll i RIR IKS. I høve interne forhold i selskapet vart det gjennomført undersøkingar knytt til styret, dagleg leiar, etterleving av offentlegheit, arkiv og etiske retningslinjer. I tillegg vart rutiner for berekning av sjølvkost og etterberekning av sjølvkost undersøkt. Det vart gjeve fire anbefalingar til RIR IKS knytt til rutiner for å hindre kryssubsidiering frå hushaldningsavfall til næringsavfall, hindre kryssubsidiering mellom den enkelte eigarkommune, avsetting av midlar til etterdriftsfond og vurdering av bierverv i datterselskap. I samband med utarbeiding av risiko- og vesentlegvurderinga har revisjonen innhenta styrande dokument frå RIR IKS.

Aukra kommune eig 7 % i selskapet og selskapet leverer viktige tenester til innbyggjarane i kommunen. Det er særleg aktuelt å vurdere konsernintern prising. Eventuelt prosjekt bør avklarast med, og om mogleg, gjennomførast saman med dei andre eigarane.

Revisjonen har innhenta styrande dokument frå RIR IKS. Revisjonen har mottatt og gått igjennom dokument knytt til:

- Skriftlege retningslinjer for konsernintern prising.
- Avtale for kjøp av konserntjenester mellom RIR IKS og RIR Næring AS for 2020.
- Faktura for kjøp av tjenester fra RIR IKS til RIR Transport AS for 2020.
- Styreinstruks for RIR IKS (vedteke 11.6.2020).
- Delegasjonsreglement (fullmaktsmatrise revidert 30.11.2018).
- Personalreglement (enkeltprosedyrer for telefonordning, gåver, permisjonar, etc.).
- Etiske retningslinjer RIR IKS.
- Innkjøpsreglement (anskaffelsesprotokoll RIR IKS, revidert 2020).

**Molde og Romsdal Havn IKS** er eit samarbeid mellom Romsdalskommunane Aukra, Hustadvika, Molde, Rauma og Vestnes. Selskapet vart etablert 1. januar 2006. Målet er å bidra til å styrke regionens næringsliv ved å legge til rette for ein sikrare og meir effektiv sjøtrafikk innan cruise, gods, fiskeri og olje. Alle offentlege kaiar og terminalar inngår i det interkommunale samarbeidet. Eit utvalg av dei større kaiene er godkjent etter internasjonale tryggleiksbestemmelser, ISPS regelverket. Molde og Romsdal Havn IKS er organisert med havnerådet som øvste organ, og eit hamnestyre. Aukra kommune har ein eigarandel på 12 % og leverer viktige tenester til kommunen. Eventuelt prosjekt bør avklarast med, og om mulig, gjennomførast saman med dei andre eigarane.

Tema for forvaltningsrevisjon i kommunen sine selskap vil kunne variere frå selskap til selskap. Tema bør velgast ut frå kunnskap om det enkelte selskap. Nokre generelle tema vil vere interessante å vurdere i ei rekke selskap:

- Måloppnåing
- Vedtekne reglement og styringsdokument
- Etterleving av dette
- Etterleving av bestemmelsar om offentlegheit

- Etterleveling av regelverk for offentlege anskaffelser
- Etterleving om krav til etikk og varsling

Analysen konkluderer med medium sannsynlegheit og medium konsekvens. Vesentlegheit er «gul».

#### Kontrollutvalssekretariatet si vurdering av dei andre områda revisjonen omtalar med risiko:

- Brukermedvirkning i pleie og omsorg Forvaltningsrevisjonsrapporten Brukermedvirkning pleie og omsorg Aukra kommune, vart handsama av kontrollutvalet i møte 25.09.2019, sak 23/19 og sendte si innstilling til vedtak til kommunestyret som handsama rapporten i møte 19.11.19, sak 83/19. Rapporten viste at spurte pårørnde er misnøgde med delar av tenestetilbodet på sjukeheimen. Kommunen har den 07.02.20 presentert plan for oppfølging av dei vedtekne anbefalingane som skal gjennomførast. Kontrollutvalet følgjer opp attståande arbeid ved å ha saka på oppfølgingslista. Ein ser ikkje at ein ny forvaltningsrevisjon vil avdekke noko anna eller meir enn det ein allereie veit.

- Offentlige anskaffelser Kontrollutvalet behandla i møte 15.3.2018 sak 10/18 Forvaltningsrevisjonsrapport «Offentlige anskaffelser i Aukra kommune». Kontrollutvalet innstilte til kommunestyret som behandla saka i møte 17.4.2018 i k-sak 29/18 der anbefalingane til forbetring og oppfølging vart vedteke. Kontrollutvalet følgjer opp attståande arbeid ved å ha saka på oppfølgingslista. Kontrollutvalet har orientert kommunestyret i møte 07.05.20 om kontrollutvalet si handsaming i møte 18.02.20. I brev av 23.04.2020 til kommunestyret uttrykker kontrollutvalet bekymring for framdrifta med oppfølging av anbefalingane og ønskjer å underrette kommunestyret om dette. Kontrollutvalet følgjer saka vidare i høve oppfølging av anbefalingane. Ein ser ikkje at ein ny forvaltningsrevisjon vil avdekke noko anna eller meir enn det ein allereie veit.

#### **KONKLUSJON**

Ut frå kommunen sitt budsjett for kontrollarbeidet i kommunen i sak PS 33/20, så er det realistisk at det kan gjennomførast 2-3 forvaltningsrevisjonsprosjekt i valperioden. Det er i budsjettforslaget lagt opp til ei bestilling i.

For å gjere sakshandsaminga så smidig som mulig blir det anbefalt at kommunestyret delegerer mynde til kontrollutvalet til å omprioritere innanfor vedtatt plan, eller prioritere andre tema dersom det oppstår noko uforutsett i planperioden. Planen er ein 4-årig plan. Det kan skje endringar i kommunen i denne perioden som påvirkar planen og som gjer at kontrollutvalet vurderer andre tema og områder med større risiko og vesentlegheit enn det denne planen viser. Hvis kontrollutvalet avvik frå planen i prioritering og bestilling av forvaltningsrevisjonar, skal dette framgå av saka når ein forvaltningsrevisjonsrapport blir sendt frå kontrollutvalet til kommunestyret.

Det er viktig at kommunen sin administrasjon og kontrollutvalet nyttar det som kjem fram i revisjonen sin risiko- og vesentleganalyse til å forbetre dei områda som har eit høgda risikonivå(gult). Administrasjonen kan ta tak i det som kjem fram av manglar, og kontrollutvalet kan nytte kunnskapen til å be om orienteringar, undersøke nærmare og anmode om at forhold med manglar blir retta opp. Dette kan gjerast utan at det blir gjennomført forvaltningsrevisjon. Det kan også bestillast og gjennomførast undersøkingar frå revisjonen som erstatning for ein fullstendig forvaltningsrevisjon. Dette inneber mindre ressursbruk, men kan gi verdifull informasjon slik ein har erfaring med frå tidligare.

Sjølv om sekretariatet vurderer at det er nokre svakheiter ved den risiko- og vesentlegvurderinga som revisjonen har gjennomført, så blir den vurdert å vere eit tilstrekkeleg grunnlag for å lage ein Plan for forvaltningsrevisjon for 2020-2023. Sekretariatet sitt forslag til plan er i samsvar med forlag til vedtak

**Administrative konsekvensar**

**Folkehelsekonsekvensar**

**Økonomiske konsekvensar**

**Særutskrift**

Kontrollutvalssekretariatet for Romsdal

**Vedlegg**

Samla saksframlegg sak PS 34/20, Forslag til plan for forvaltningsrevisjon 2020-2023  
Risiko- og vesentlighetsvurdering - plan for forvaltningsrevisjon Aukra kommune - Ferdigstilt  
01.07.20